



Broj: Broj: 01-50-1-15-23,24/08.  
Sarajevo, 20. 3. 2008. godine

DOM NARODA  
PARLAMENTARNE SKUPŠTINE  
BOSNE I HERCEGOVINE

**PREDMET. O b a v j e š t e n j e**

Predstavnički dom Parlamentarne skupštine Bosne i Hercegovine je, 18. i 19. marta 2008. godine, održao 23. i 24. sjednicu. Obavještavamo vas o aktima koji su na sjednicama razmatrani, a u nadležnosti su i Doma naroda.

**I – 23. sjednica Doma**

Predstavnički dom je, na 23. sjednici, razmatrao:

1. Prijedlog zakona o nezavisnim i nadzornim tijelima policijske strukture BiH, sa Izvještajem Zajedničke komisije za odbranu i sigurnost;
2. Prijedlog zakona o Direkciji za koordinaciju policijskih tijela i agencijama za podršku policijskoj strukturi BiH, sa Izvještajem Zajedničke komisije za odbranu i sigurnost;
3. Prijedlog rezolucije o spremnosti Bosne i Hercegovine za NATO integracije (predlagači: poslanici Milorad Živković i Halid Genjac);
4. Davanje saglasnosti za ratifikaciju:
  - a) Sporazuma između Vijeća ministara BiH i vlada ostalih zemalja učesnica SEECP-a, Misije privremene uprave Ujedinjenih naroda na Kosovu, u ime Kosova, u skladu s Rezolucijom Vijeća sigurnosti Ujedinjenih naroda broj 1244,
  - b) Sporazuma između Vijeća ministara BiH i Vlade Republike Mađarske o uspostavljanju Okvirnog programa za finansijsku saradnju,
  - c) Druge izmjene i dopune Sporazuma o kreditu i finansiranju od 23.11.2004. između Bosne i Hercegovine, Federacije Bosne i Hercegovine, Republike Srpske i Kreditanstalt für Wiederaufbau – Frankfurt na Majni "KfW" - Sanacija gradskih vodovoda i kanalizacionih sistema u Bosni i Hercegovini.

**Ad. 1. i 2.**

Predstavnički dom nije usvojio izvještaje Zajedničke komisije za odbranu i sigurnost o Prijedlogu zakona o nezavisnim i nadzornim tijelima policijske strukture BiH i Prijedlogu zakona o Direkciji za koordinaciju policijskih tijela i agencijama za podršku policijskoj strukturi BiH. Dom je usvojio zaključak kojim je od Zajedničke komisije zatražio da izradi nove izvještaje u roku ne dužem od 48 sati i da pri tome ima u vidu sve rasprave o izvještajima i uložene amandmane. Raspravu i odlučivanje o novim izvještajima Predstavnički dom obaviti će u roku ne dužem od 48 sati.

**Ad. 3.**

Predstavnički dom usvojio je Rezoluciju o spremnosti Bosne i Hercegovine za NATO integracije, sa izmjenama i dopunama koje je usvojila Zajednička komisija za odbranu i sigurnost.

#### **Ad. 4.**

Predstavnički dom dao je saglasnost za ratifikaciju svih akata iz ove tačke.

### **II – 24. sjednica**

Predstavnički dom je, na 24. sjednici, uz ostalo, razmatrao:

1. Prijedlog zakona o izmjenama i dopunama Izbornog zakona BiH (drugo čitanje);
2. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine (drugo čitanje);
3. Prijedlog zakona o izmjenama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu (predlagač: Vijeće ministara BiH), sa Izvještajem Zajedničke komisije za odbranu i sigurnost;
4. Prijedlog okvirnog zakona o zaštiti i spašavanju ljudi i materijalnih dobara od prirodnih i drugih nesreća u BiH (prvo čitanje);
5. Prijedlog zakona o izmjenama i dopunama Zakona o krivičnom postupku BiH (prvo čitanje);
6. Izvještaj Zajedničke komisije o usaglašavanju teksta Zakona o internoj reviziji institucija Bosne i Hercegovine;
7. Odluka Predsjedništva BiH o utvrđivanju kandidata na generalske pozicije u Oružanim snagama BiH (broj:01,02-03-110/08 od 23.1.2008.), radi potvrđivanja;
8. Izvještaj o zaštiti ličnih podataka u Bosni i Hercegovini i o radu Komisije za zaštitu podataka za 2007. godinu;
9. Izvještaj o radu Državne regulatorne komisije za električnu energiju u 2007. godini;
10. Izvještaj o radu Ureda za razmatranje žalbi u 2007. godini;
11. Imenovanje tri člana u Zajedničku komisiju radi usaglašavanja Zakona o izmjenama i dopunama Zakona o putnim ispravama Bosne i Hercegovine;
12. Prijedlog za dopunu interparlamentarnih grupa prijateljstva Parlamentarne skupštine BiH (predlagač: Komisija za vanjske poslove Predstavničkog doma).

#### **Ad. 1.**

Zbog velikog broja amandmana podnesenih u plenarnoj fazi na Prijedlog zakona o izmjenama i dopunama Izbornog zakona BiH, Dom je odgodio izjašnjavanje o Prijedlogu zakona, sa zaduženjem radnoj grupi da pokuša usaglasiti amandmane, a izjašnjavanje o Prijedlogu zakona bit će provedeno na sjednici Doma, koja će biti održana 3. aprila 2008. godine.

#### **Ad. 2.**

Zakon o izmjenama i dopunama Zakona o upotrebi i zaštiti naziva Bosne i Hercegovine usvojen je sa sljedećim amandmanima:

Amandman 1.

Član 4. Prijedloga zakona briše se.

Amandman 2.

Član 5. Prijedloga zakona mijenja se i glasi:  
„U članu 9. st 2. iza broja „2.“ dodaje se broj „2a.“

#### **Ad. 3.**

Predstavnički dom nije usvojio Izvještaj Zajedničke komisije za odbranu i sigurnost o Prijedlogu zakona o izmjenama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu (predlagač: Vijeće ministara BiH). Komisija je zadužena da dostavi novi izvještaj.

#### **Ad. 4. i 5.**

Dom je, u prvom čitanju, usvojio:

- Prijedlog okvirnog zakona o zaštiti i spašavanju ljudi i materijalnih dobara od prirodnih i drugih nesreća u BiH i
- Prijedlog zakona o izmjenama i dopunama Zakona o krivičnom postupku BiH.

Za Prijedlog zakona o izmjenama i dopunama Zakona o krivičnom postupku bit će otvorena javna rasprava.

#### **Ad. 6.**

Predstavnički dom usvojio je Izvještaj Zajedničke komisije o usaglašavanju teksta Zakona o internoj reviziji institucija Bosne i Hercegovine.

#### **Ad. 7.**

Dom je potvrdio Odluku Predsjedništva BiH o utvrđivanju kandidata na generalske pozicije u Oružanim snagama BiH (broj:01,02-03-110/08, od 23.1.2008.) u predloženom tekstu.

#### **Ad. 8.**

Odgodeno je izjašnjavanje o Izvještaju o zaštiti ličnih podataka u Bosni i Hercegovini i o radu Komisije za zaštitu podataka za 2007. godinu, zbog odsustva predstavnika podnosioca Izvještaja.

#### **Ad. 9.**

Dom je usvojio Izvještaj o radu Držvne regulatorne komisije za električnu energiju u 2007. godini, sa zaključcima koje je predložila nadležna komisija, a koji glase:

1. Uzimajući u obzir značaj elektroenergetskog sektora Bosne i Hercegovine i potrebu primjene novih direktiva i propisa Evropske unije iz oblasti električne energije, obavezuje se Vijeće ministara BiH da pristupi izmjenama i dopunama postojećih zakona, i to: Zakona o prijenosu, regulatoru i operateru sistema električne energije u BiH, Zakona o osnivanju kompanije za prijenos električne energije u BiH i Zakona o osnivanju nezavisnog operatera sistema za prijenosni sistem u BiH.
2. Predlaže se Nezavisnom operateru sistema u Bosni i Hercegovini da organizira javnu raspravu o indikativnom planu razvoja proizvodnje električne energije za period od 2009. do 2018. godine, kako bi svi učesnici u elektroenergetskom sektoru imali mogućnost da iznesu svoje stavove i mišljenja.

#### **Ad. 10.**

Dom je usvojio Izvještaj o radu Ureda za razmatranje žalbi u 2007. godini, sa zaključkom predloženim od nadležne komisije, koji glasi:

Traži se od Vijeća ministara BiH da u roku od 90 dana sačini novi prijedlog zakona o javnim nabavkama BiH, radi poboljšanja procedura javnih nabavki i usaglašavanja s tekstom direktiva Evropske unije, a potom ga dostavi u parlamentarnu proceduru.

#### **Ad. 11.**

U zajedničku komisiju za usaglašavanje Zakona o izmjenama i dopunama Zakona o putnim ispravama Bosne i Hercegovine imenovani su: Remzija Kadrić, Milica Marković i Velimir Jukić.

**Ad. 12.**

Usvojen je Prijedlog za dopunu interparlamentarnih grupa prijateljstva Parlamentarne skupštine BiH koji je Domu dostavila Komisija za vanjske poslove Predstavničkog doma, prema kojem:

- u 2. grupu za zapadnu Evropu imenovani su Milica Marković i Vinko Zorić;
- u 3. grupu za srednju i istočnu Evropu imenovan je Šefik Džaferović;
- u 4. grupu za Aziju imenovan je Mirko Okolić,
- u 5. grupu za Afriku i zemlje Bliskog istoka imenovana je Azra Alajbegović i
- u 6. grupu, za Sjevernu i Južnu Ameriku, Australiju, Okeaniju i Japan, umjesto Beriza Belkića, imenovana je Azra Hadžiahmetović.

PREDSJEDAVAJUĆI  
PREDSTAVNIČKOG DOMA  
**dr. Milorad Živković**